

## Акафист преподобному Иоанну Дамаскину

### Кондак 1

Избрáннаго сосúда благодáти Бóжия, Иоáнна Богохвáльнаго, притецём вси восхвалíти, от Дамáска úбо града звездú всесвётло возше́дшую, Вселénския же Цёркве свирéль приснопою́щую Божéственных та́ин íстину, пренебрéгшаго сла́ву мíра сла́вы ра́ди Христа́ Бóга, да вознесём е́му моли́тву ра́дования: Ра́дуйся, преподóбне Иоáнне, Цёркве учíteлю сладкогласный и премúдрый.

### Икос 1

Ангелонравное житиé предпочёт, Иоáнне благознаменíte, принéсл ес́и жёртву Христу́ великосанóвныя жízни отречéния, сiце и от мúдрости челове́чи почёрп, наипáче возлюби́л ес́и Бóжия премúдрости сла́дость, и в пустыни смире́нно вселься, изясни́л ес́и прáвыя véры высóт простотú. Сего́ ра́ди я́ко Божéственных учéний истóчнику зывáем ти:

Ра́дуйся, светíльниче Божéственного свéта, сияй в но́щи неvéрия;  
ра́дуйся, побóрниче íстинныя веры, умудря́й словесы́ Богопознáния.

Ра́дуйся, благознаменíтаго рóда óтрасле;  
ра́дуйся, смиренномúдраго преподóбия óбразе.

Ра́дуйся, процвётшая во средé агáрян христия́нская похвалó;  
ра́дуйся, во тщеслáвнем мíре прозя́бшее крóтости Христóвы преподóбие.

Ра́дуйся, от филосóфов мíра научéнный;  
ра́дуйся, от Премúдрости Бóжия умудрённый.

Ра́дуйся, я́ко воздал ес́и Бóжие Бóгови;  
ра́дуйся, я́ко презрёл ес́и красная́ цáрская.

Ра́дуйся, благодáти Бóжия тезоименíte;  
ра́дуйся, Цáрства вéчнаго наследниче.

Ра́дуйся, преподóбне Иоáнне, Цёркве учíteлю сладкогласный и премúдрый.

### Кондак 2

Видя́ Бог, я́ко сéмя, Им сеянное, на дóбру зéмлю падé и хóщет плод многобогáт принести́, упáсл есть дом твой, Иоáнне Дамаски́не, родíteлев, в Христóве véре утверждён, я́ко да неудобоприятну тёрнию яви́т в нем Богоприятную розгú, всемирно песнослóвящую: Аллилу́иа.

### Икос 2

Ра́зума высокому́дрие посрамля́ется, видящим нам пёрваго советника властíteля агáрянскаго, власть во странé иновёрней véлию имúща, уничижéнным же и гонíмым прилежа́ща сёрдцем, обидимым и досажда́емым помога́юща. Тёмже и ны́не припадём ко Иоáнну, о нас печáльнику, да ны услы́шит к нему́ вопию́щия:

Ра́дуйся, христолюбивыя па́стывы благий управителю;  
ра́дуйся, ангелоподобный в бедахъ сущимъ хранителю.  
Ра́дуйся, аки добрый самарянинъ больнымъ прилежа́вый;  
ра́дуйся, благими́ де́лы Христа́ проповеда́вый.  
Ра́дуйся, рабо́тати Бо́гови в безмо́лвии возжелёвый;  
ра́дуйся, о́баче кро́тце повинувыйся власте́м, да послужиши  
державе́ твоёй.

Ра́дуйся, всяку́ власть́ яко́ от Бо́га сущу́ почита́вый;  
ра́дуйся, от смире́ния вели́кая обрета́вый.  
Ра́дуйся, яко́ ро́да твоего́ сла́ву вельми́ умно́жил еси́;  
ра́дуйся, превозше́дый в ра́зуме наста́вников и сродни́ков твоихъ.  
Ра́дуйся, яко́ во́лю се́рдца твоего́ во́ли Бо́жии приклони́л еси́;  
ра́дуйся, яко́ ве́ры твоея́ огонь в се́рдцы твоёмъ при́сно пламене́ющ  
всяко́ соблю́л еси́.

Ра́дуйся, преподо́бне Иоа́нне, Це́ркве учи́телю сладкогласный и  
прему́дрый.

### Кондак 3

Си́лою Вы́шняго подви́женный, Иоа́нне Богопослу́шне, царя́  
иконобо́рца не убо́ялся еси́: подо́бя бо ся́ Иоа́нну Предте́чи,  
ре́вностнаго словесе́ не удержалъ еси́, да научи́ши лю́ди, кланя́ющесе во  
ико́не Первообра́зу, взыва́ти Бо́гови: Аллилу́иа.

### Икос 3

Име́я внутрь себё́ Божественныя сла́вы ре́вность, возвы́сил еси́ глас  
твой, Иоа́нне Дамаски́не, и писа́ньми обличи́л еси́ ху́льники церко́вныя,  
да отщети́тся техъ зломы́слие. Сихъ ра́ди бы́вших о тебе́, сла́вне, сла́вим  
тя́:

Ра́дуйся, пе́рваго честна́го богосло́вия до́брый последователю;  
ра́дуйся, внемлющих да́же до ны́не словеснымъ млекомъ пита́телю.  
Ра́дуйся, сло́ва Бо́жия мечъ взе́мый, яко́ да ерети́ческаго мудрова́ния  
главу́ усече́ши;

ра́дуйся, Предания́ церко́внаго преёмни́че, имже́ ве́ры измене́ния  
избе́гнеши.

Ра́дуйся, ве́ру Христо́ву сло́вом изьяснíвый;  
ра́дуйся, премудра́я небесныхъ словесы́ му́дрости земноро́дных  
изложíвый.

Ра́дуйся, гро́мов гласе́ богословствуйя́;

ра́дуйся, сло́ва Бо́жия бога́тство некра́домое.

Ра́дуйся, церко́внаго зда́ния плíнфо несокруши́мая;

ра́дуйся, ни еди́но от вра́жия ле́сти поколе́блемый.

Ра́дуйся, основа́ния Богому́дрых мужей́ проба́вителю;

ра́дуйся, благоглаго́ливых отце́в сораде́телю.

Ра́дуйся, преподо́бне Иоа́нне, Це́ркве учи́телю сладкогласный и  
прему́дрый.

#### Кондак 4

Бури злокозненные клеветы восприял еси обстояние, преподобне богослове, богословия ради твоего. Се един царь иному подобие письма твоего пишет, яко аще предательство мнил еси в нем: се лжехристов Христова сарацину предаёт на казнь, Иуды подражатель, да яко умолчат уста, глаголющая право: Аллилуиа.

#### Икос 4

Благоуслышася навёт о тебе во ушню царя Дамаскова: оглабольшву бо подложныя хартии веру ят, никако оправданий словесе невиннаго Боголюбца послуша повелитель: на усечение десницы предаде тя, еуже письменне вси хулящии Бога бяху обличалися, но сего ради тебе, о Иоанне, воспоём:

Радуйся, ведый, яко на право славящия Бога козни вражия избилуют;

радуйся, тех довольное даже до крове действо претерпёвый.

Радуйся, мученическому лику сопричётниче;

радуйся, исповедником Христовым истый общниче.

Радуйся, рукою Боговодительствуемая;

радуйся, лстываго врага доблий одолетелю.

Радуйся, изъяснительное Неописаннаго писание;

радуйся, лукаваго действия посрамление.

Радуйся, яко от стрел завистников страждеши;

радуйся, яко теми уязвляемь, правды Божия не отрекаешися.

Радуйся, яко кровию вместо чернил руку твою омочил еси;

радуйся, яко по казни Божия Матере и Господа попечению ся предал еси.

Радуйся, преподобне Иоанне, Церкви учителю сладкогласный и премудрый.

#### Кондак 5

Боготечныя звезды славу подражаючи, явися десница твоя, Иоанне Богоносе, яко волхвом, указующая людем, како могут поклонение право принести Богу, во образе убо зряще Сущаго, в пении же Тому поюще: Аллилуиа.

#### Икос 5

Виде Пречистая Владычица Иоанна припадающая ко образу Ея, в болезни стняща, усеченную десницу прилагающая, и по вере своей на Ея помощь уповающая: вся бо содеяти может, яко Мати Божия, хотящи. Явися же ему во сне Пречистая, приемлющи обет того, писаньми не престати восхваляя Бога и Богородительницу, и се исцеление удобь дарова руке вернаго, емуже мы возопийм:

Радуйся, благоговейный к Богу молебниче;

радуйся, Богородицы Пречистыя дерзновенный беседниче.

Радуйся, яко во ушню Ея бысть молитва твоя;

ра́дуйся, я́ко внят Хо́датаице вседержа́вный Сын Ея́.  
Ра́дуйся, всемо́щнаго покрóва Богома́тере ликовáние;  
ра́дуйся, неисто́щима́я благода́ти небéсных приятелище.  
Ра́дуйся, непосра́мленное упова́ние на Го́спода;  
ра́дуйся, цельбы́ небéсных и нам ны́не проше́ние.  
Ра́дуйся, чудесе́ Бо́жия свидéтелю;  
ра́дуйся, оглаго́ланных, в болéзнях сущих и в мучéниях приятелю.  
Ра́дуйся, я́ко Всемо́гущаго Врача́ лека́рство уллучи́л еси́;  
ра́дуйся, я́ко Тому́, в ве́ре па́ки укре́плься, всем животóм послужи́л еси́.

Ра́дуйся, преподо́бне Иоáнне, Це́ркве учи́телю сладкогласный и премудрый.

### Кондак 6

Проповéда покланя́емаго тобою́ Бо́га чу́до исцелéния твоего́ пред царём сарацýнским: го́ре мне, проглаго́лати ўбо увещáвшее, неправеднаго же буесло́вия того́ пода́вше разумéние. Ты же, Иоáнне Богоблаже́нне, воспéл еси́ десни́цы Вы́шняго Божéственную си́лу: Аллилу́иа.

### Икос 6

Сия́ние свята́ни твоея́ яви́ся пред царя́ Дамáскаго, не удержá бо лéсти власть на сёрдцы неvéрнаго властителя́ властитель лéсти, о Иоáнне пра́ведне. Честь же са́на хотя́ ти возврати́ти и вла́сти полно́ту, услы́ша ты князь, к ногу́ егó припа́д прося́ща, да пусти́т ты, по Го́споде ити́ мона́хом. Еда́ ўбо о сем смире́нии не воспо́им избра́ннаго Христо́ва си́це:

Ра́дуйся, пра́веднаго жития́ оправда́ние;  
ра́дуйся, преподо́бнаго жи́тельства жела́ние.  
Ра́дуйся, Богома́терняго чудесе́ соприча́стниче;  
ра́дуйся, Христо́вы исти́ны изья́снителю.  
Ра́дуйся, срамля́ющим я́же о Христé оби́димыя срамлéние;  
ра́дуйся, благословля́ющим я́же о Бо́зе благотвори́ащая  
благословéние.

Ра́дуйся, Бо́жия чудесе́ явлéние;  
ра́дуйся, я́ко яви́лся еси́ Богоневéстныя Ма́тере благоволéние.  
Ра́дуйся, ино́ческаго жития́ чая́телю;  
ра́дуйся, кра́сных земных, лю́бве ра́ди Бо́жия, отрeváтелю.  
Ра́дуйся, собла́зну не имéвый ме́ста в сёрдцы твоём;  
ра́дуйся, я́ко о́но то́чию любве́ и крóтости испо́лнил еси́.

Ра́дуйся, преподо́бне Иоáнне, Це́ркве учи́телю сладкогласный и премудрый.

### Кондак 7

Хотя́щу ти пра́во возда́ти сло́во Бо́гови и в нищету́ смире́ния облещи́ся, ра́бе благий Христо́в, рабы́ твоя́ пусти́л и вся имéния разда́л

есі, в работу монаха предложитися грядя. Тем убо во обитель  
пришедый святого Саввы, игуменом прият бысть, хвалёбная воспёл  
есі: Аллилуиа.

### Икос 7

Нóвых подвигов ристалище себе стяжал есі, Иоанне воине  
Христов, едина старца во учителя приёмь, яко да смирению научит тя  
и послушанию: се да не прежних часо творил бы, аще и благих, по  
твоей воли, но воля старца, и безмолвие, и сердца чистота, и труд  
работен тебе во образ бытия вменишася: сего ради восхваляем тя,  
блаженне Иоанне:

Радуйся, фимиаме добродетельнаго жительства;  
радуйся, о гресех прежняя жизни слез пролитие.  
Радуйся, телесными труды украшейся;  
радуйся, духовными подвиги преображейся.  
Радуйся, Богогласная трубó, смирения ради умолчавшая;  
радуйся, яко писало отложивый еже избегнути превозношения  
мысленнаго.

Радуйся, телесно здрав, душу уврачевати пришедый;

радуйся, обоя от Творца приёмый.

Радуйся, высотó смиренномудрия;

радуйся, красотó Христова подражания.

Радуйся, прекословия и ропота в сердца твоём не познавый;

радуйся, змия гнева и сумнения из помысл твоих изгнавый.

Радуйся, преподобне Иоанне, Церкви учителю сладкогласный и  
премудрый.

### Кондак 8

Странное и Ангелом, и человеком бысть видети тя, Иоанне  
Богонóсе, во граде бывшия твоея славы вре́тищем оболченнаго, по  
послушанию кошницы простыя ценóю превышшею ищуща продати:  
обаче о тацем небрег уничижения, помогшаго ти Бóга благословение  
духовнаго отца исполнити хваля прославил есі: Аллилуиа.

### Икос 8

Весь быв горних исполнь, Иоанне Богословесниче, обрелся есі от  
старца обличаемь, аки Адам преслушанием подпад рая отлучению, в  
дольних хотение вмени бо той о едином брате заупокóйное твоё пение,  
еже умолён быв сотворил бе ты: мы же веруя днесь ти во усладе райстей  
быти, поём ти славная:

Радуйся, сердце имьй состраждущее;

радуйся, внемляй слезе просящаго.

Радуйся, поай славу ко Христу отшедших;

радуйся, услаждай живых о радости небес достигших.

Радуйся, покаяния пред смертию молитву в песни пролити научаяй;

ра́дуйся, вся тлѣнная грехо́вная пред срѣтением Го́спода оста́вити  
взыва́й.

Ра́дуйся, оста́вил бо еси́ высо́кая земна́я;

ра́дуйся, наслѣдил бо еси́ сих ра́ди превы́спрення небѣсная.

Ра́дуйся, послушания всякаго исполне́ние на ся взѣмый;

ра́дуйся, в преслушании покая́ние де́тельное яви́вый.

Ра́дуйся, я́ко, греха́ ра́ди исправле́ния, гну́са не возгнуша́лся еси́;

ра́дуйся, я́ко иску́са ра́ди неудобоприятная претерпе́л еси́.

Ра́дуйся, преподо́бне Иоа́нне, Це́ркве учи́телю сладкогласный и  
прему́дрый.

### Кондак 9

Всякое естество́ бы изнемо́гло наложено́го на тя, Иоа́нне  
смиреннолю́бче, преще́ния, а́ще и мона́шескими украше́но: но твоѣ зря  
ста́рец на униже́ния благоприя́тие, ти спребыва́юща воспѣ смирѣнна  
се́рдцем и кро́ткаго Христа́: Аллилу́иа.

### Икос 9

Ветий глаголю́бных пра́здно яви́ся сло́во, благовещанна  
мудролю́бца Иоа́нна тща́щся воспѣти добродѣтель: не у́бо той своѣю  
волею, но волею Пречи́стыя Влады́чицы, ко ста́рцу егó явльши́ся,  
откры́ уста́ своя́, Госпо́дь же та испо́лни Ду́ха. Да помо́жет Сей и нам,  
блаже́нне, тебѣ воспѣти:

Ра́дуйся, всякия плóти ра́дость о Богоро́дице воспѣ́вый;

ра́дуйся, я́ко велѣнием Пренепоро́чных из устну́ твоѣю то́ки  
Богосло́вия излия́шася.

Ра́дуйся, общежи́тельнаго жити́я согла́сие;

ра́дуйся, мона́шескую мни́вый кѣллию́ я́ко ра́я блаже́нство.

Ра́дуйся, неиздѣ́вное ангелоподо́бное пѣние;

ра́дуйся, я́ко до ны́не преподо́бными гласы́ твоими́ Бо́га  
воспева́еши.

Ра́дуйся, сла́ву обрети́ый в безсла́вии земне́м;

ра́дуйся, собла́зна избе́гий в вели́чиих до́льных.

Ра́дуйся, о Царі́ Бо́зе раба́ себѣ соде́явый;

ра́дуйся, ра́бство земна́я вла́сти презре́вый.

Ра́дуйся, е́же сла́вити Бо́га ме́де усто́м на́шим;

ра́дуйся, Богосло́вия необину́емаго златослове́снице.

Ра́дуйся, преподо́бне Иоа́нне, Це́ркве учи́телю сладкогласный и  
прему́дрый.

### Кондак 10

Спасе́ния лю́дем хотя́щаго Бо́га просла́вил еси́, досто́блаже́нне  
Иоа́нне Богоревни́телю, да не ка́ко ра́зумы отве́ргнутся Творца́, умно  
челове́ки призыва́й пѣти и́же греха́ жа́ло сме́ртное от челове́к  
Отъѣмшаго: Аллилу́иа.



## Икос 10

Стені церкóвныя часть быв, святѣй угóднице Дамаскѣне, твоея души врагú не дал еси, ни люди церкóвныя растлѣти словесѣ блáзными: не измышлѣний бáсни рек, но посещѣния сподóблѣся Дúха Бóжия, вещáл еси, о Иоáнне, Божѣственная оправдáния, о нѣхже сѣце благодарственне ти восписúем:

Рáдуйся, Бóга созерцающее сѣрдце;  
радуйся, духоначертáнное писáние.  
Рáдуйся, на мысленный Сина́й Боговидѣния возше́дый;  
радуйся, из глубины смиреня на церкóвную гóру святѣни вознесѣйся.  
Рáдуйся, святѣтелей твѣрдое Богомыслие;  
радуйся, преподóбных тишинó смиренномúдрая.  
Рáдуйся, иерѣем священныя тáйны изьяснѣние;  
радуйся, ниже кому́ истину затворѣй слáдости Богопознáния.  
Рáдуйся, возлюбѣвый не обину́яся послѣдовати прáвде;  
радуйся, из кѣллии воздержáния израстѣвый плодобога́тство в духовных ча́дех.  
Рáдуйся, свѣтѣльнице свѣта пребожѣственнаго;  
радуйся, мантиею иноческою погребѣй мѣра слáву брѣнную.  
Рáдуйся, преподóбне Иоáнне, Цѣркве учѣтелю сладкогласный и премúдрый.

## Кондак 11

Пою́щим нам словеса́ тобою воспѣтая, благѣй Христóв ученичѣ Иоáнне, исчѣслити я не могу́ще, не тощих тщѣмся подражáти глаго́лов мно́жество, но уверѣния Божѣственнаго сѣлу зря́ще в словесѣх твоѣх, не премолчѣм в тебѣ Свята́го Дúха дѣйствія, глаго́люще: Аллилу́иа.

## Икос 11

Светосия́нную надѣжду животá вѣчнаго в творѣния твоя́ вдохну́л еси: всем ѣже погребстѣ имúщим, ѣже о нас показáл еси расторжѣния соúза Богосочетáннаго душ и телѣс та́инство, обáче блажѣнства нестарѣющагося обетовáние и во крóвех праведных вселѣния надѣжду словѣсне изобразу́я; в тебѣ же вѣдим, блажѣнне Иоáнне Дамаскѣне, по преставлѣнии твоѣм, я́ко дово́льне послúжившу Бóгови, сих святóе воспрія́тие: тѣмже, áще и скúдную, приими́ от нас песнь сию́:

Рáдуйся, у грóба пла́чущия утѣшáяй;  
радуйся, глаго́лы усóпших нам пѣсенно вещáяй.  
Рáдуйся, о грядúщих ко Гóсподу молѣтвенне воздыхáяй;  
радуйся, срѣтение престáвльшихся со Христóм предображáяй.  
Рáдуйся, словѣснаго врачевáния начальнице;  
радуйся, догматическаго наказáния реснотó.  
Рáдуйся, бúдущия жѣзны в гóрних яснозрѣтелю;  
радуйся, о в нераска́янных гресѣх печáли повествовáтелю.  
Рáдуйся, пѣсньми твоѣми смѣрти страх упреждáяй;

ра́дуйся, стра́ха Божия утвержде́нию науча́яй.

Ра́дуйся, десни́це, крѣпостию писаний благоле́пно просла́вленная;  
ра́дуйся, ра́зуме, просвеща́яй концы́.

Ра́дуйся, преподо́бне Ио́анне, Це́ркве учи́телю сладкогласный и  
прему́дрый.

### Кондак 12

Благода́ти Дате́ля во́льно восприя́л еси́ ра́зумом и се́рдцем, я́ко сый  
раб Госпо́день, ра́бства, Ио́анне, мнѣмаго не убо́ялся еси́, лука́выя  
рабо́ты отверги́й сою́з, побѣ́дно восклица́я: Аллилу́иа.

### Икос 12

По́ем воспѣ́вшаго го́рних сла́ву, Ио́анна всебога́того: то́го  
дивля́емся благоплодоно́сию, о́браза уче́ния и му́дрости высоты́,  
смирѣ́ния же тишины́ велегласны́я, я́вися бо вселѣ́нной правосла́вное  
исправле́ние и дрѣ́вних христолю́бцев ко́рень, е́му же уста́ на́ша да не  
закосне́ют пе́ти:

Ра́дуйся, духо́внаго насле́дия сокрови́ще;

ра́дуйся, млека́ словѣснаго о спасѣ́нии избы́льное источѣ́ние.

Ра́дуйся, на землі́ воспѣ́вый, а́ки а́нгелов лик, сла́ву Христо́ва  
воскресе́ния;

ра́дуйся, славосло́вляй ны́не Го́спода у Престо́ла То́го на небесѣ́х.

Ра́дуйся, Божия́ Ма́тере словѣ́сная похвало́;

ра́дуйся, Ца́рствия небѣснаго живописа́телю.

Ра́дуйся, смоко́внице, плод твой во вре́мя своѣ́ преизбы́льно  
да́вшая;

ра́дуйся, усладѣ́вшее смо́квы словѣ́с твои́х благокорѣ́нное дре́во  
Христо́вы ве́ры.

Ра́дуйся, цвѣ́те благоуха́яй исти́ною;

ра́дуйся, еретиче́скаго злово́ния исто́щителю.

Ра́дуйся, сла́вы Божия́ многопло́дное писа́ние;

ра́дуйся, ве́ры Христо́вы неизжива́емое уче́ние.

Ра́дуйся, преподо́бне Ио́анне, Це́ркве учи́телю сладкогласный и  
прему́дрый.

### Кондак 13

О вели́кий песносло́вче Ио́анне Дамаски́не, ве́ры Христо́вы  
до́бльственны́й ра́тнице и учи́телю, велича́яй на землі́ го́рних  
Божѣ́ственную сла́ву, и до́льных науча́яй смы́слы исти́ны: да не бу́дут  
тщи тебѣ́ моли́твы на́ша: услади́ нас поучѣ́нии твои́ми, и небѣ́сным  
засту́пничеством огради́ нас, да небла́зненно со святы́нею твоѣ́ю  
Вели́каго по́ем и велича́ем Бо́га: Аллилу́иа.

### Молитва 1

О преподо́бне свяще́нне Ио́анне Богосла́вный, Дамаскова́ похвало́,  
вселѣ́нная правосла́вная велеле́пото: к тебѣ́ течѣ́м, к тебѣ́ мо́лимся,



Божественный Дамаскине: не преста́й проче́е моля́ся ко Пречи́стей Богоро́дице, зане́ убо и в жити́й твоём земнём послу́ша тя: наипа́че же вѣ́ну пребу́ди моли́тва тво́я о нас ко Го́сподеви Бо́гу на́шему, Егоче́ Цѣрковь ре́вносно, а́ки до́блйи рѣ́тник, от ересей и со и́стиннаго пу́ти поползнове́ния защити́л еси́. Свя́тче Бо́жий, уго́днице преблагі́й, ты, я́коже Соломо́н, ничесо́же испроси́в у Го́спода, ра́зве премудрости Бо́жия; ктому́ и смире́ния наказáния ничи́мже лишён был еси́, и в правле́нии страны́ твое́я иновѣрны́я имѣ́л еси́ часть богáтую: но тем у́бо па́че показáлся еси́ и́стинный христиани́н, в по́моци пребывáя убо́гим, оглаго́ланным, о пра́вей вере гони́мым и угнета́емым. Помози́ нам, Иоáнне, соблюсти́ся, еда́ ка́ко не отступим чим ма́лым от Христа́ Бо́га на́шего и Егó Вселѣ́нския Цѣркве: огради́ святы́нею твоёю, на́ми ны́не песносло́вимою, от зломы́слящих нам враго́в ви́димых, наипа́че же от неви́димых духо́в зло́бы поднебе́сныя. Научи́ ны, свя́те Иоáнне, оти́шию серде́чному, ра́зума здравомы́слию, в ве́ре несумне́нию, ктому́ же любви́ я́же о Христѣ́ Иису́се, ё́уже изря́дне украси́лся еси́, Божественне Дамаскине. Бу́ди при́сный ходáтай и помо́щник во учéнии пребыва́ющим: умудри́, уцелому́дри, просвети́ е́же у Престо́ла Бо́жия ходáтайством: с высоты́ го́рняя сла́вы испроси́ вся, я́же суть полѣ́зна спасе́ния ча́ющим и о сла́ве Бо́жией zde, до́лу пеку́щимся. Пода́ждь сло́во бла́го и твёрдо наста́вником, да Цѣркви ве́рныя сы́ны воспита́ют, и ча́да досто́йна держа́ве на́шей сотворя́т. Попе́чься и о е́же смире́нию и кро́тости се́рдца научи́тися нам, я́коже обоюдоо́стру мечу́, имже разсека́ется врага́ челове́ческаго плетѣ́ние. Не оста́ви коего́ждо прося́щаго чесо́ у тебе́ в моли́тве, о бла́гих дѣ́лах благослови́ и наста́ви, да непреткнове́нно во сла́ву Ца́рства Небе́снаго поживѣ́м, иде́же со Влады́чицею Богоро́дицею Мари́ею и святы́ми все́ми, в ни́хже и ты еси́, неизрече́нное Господне́ благослови́тся И́мя, Отца́, и Сы́на, и Свята́го Ду́ха, всегда́, ны́не и при́сно, и во ве́ки веко́в. **Аминь.**

## Молитва 2

Божественне Дамаскине, о́тче Иоáнне преподо́бне, небе́снаго насле́дия учи́телю, па́стырей наста́вителю, глаго́ле я́сный уча́щих и благо́е уча́щихся внима́ние! Се мы ны́не сло́во ти хотя́ще моле́бное реши́, не оставля́ем притека́ти ко твоёй святы́ни: о небе́сных бо твоё сотвори́л еси́ раче́ние, живо́т земны́й в жизнь проба́вль ве́чную о Бо́зе. Те́мже у́бо прошѣ́д путе́м неудобохо́димым, удо́бь нам уготовля́еши в Ца́рствие Небе́сное стези́ во учéнии твоём прѣ́стем, и всецѣ́лем о Го́споде Иису́се твоём жити́й. О Крестите́лев соимѣ́нниче, Христóвых путѣ́й сказа́телю и от инохо́ждѣния духо́внаго в великомы́слии ульще́нных препя́тие, Вседержи́теля умоли́ держа́ву на́шу в мире соблюсти́, от ересей и раско́лов те́ло огради́ти церко́вное, власти и во́инства наро́доло́бны и лю́дем благочесты́вым служите́льны сотвори́ти и враги́ Оте́чества на́шего вско́ре побе́ждены соде́яти, ра́зуму же на́шему подáти я́сность ева́нгельскую и се́рдцу о любви́

Божественней простоту. Сый наследия отеческаго часть Дамаскине, Православия полноты покажи ны приемники, о великий Иоанне, велелепото церковная! Темже и при конце нашем, аще и чим преступихом пред святинею правды Божия, испроси у Законоположника и Всещедраго Судии простити нам яко ничесоже благого сотворшим, зане не к кому бо иному в печали или прощении припадехом, никому же иному возвращеша паки поклонихомся, точию Христу Иисусу распятому и воскресшему, Сыну Божию, с Нимже и Отцу Всевышнему, со Духом Его Пресвятым, Божественней сей Троице буди слава во веки всевечныя. **Аминь.**